



HEILBRIGÐISVÍSINDABÓKASAFN
LANDSPÍTALA OG HÁSKÓLA ÍSLANDS

Ársskýrsla

Heilbrigðisvísindabókasafns Landspítala og Háskóla Íslands

2024

23. apríl 2025

Efnisyfirlit

Inngangur	2
Almennar upplýsingar	2
Stjórn og starfsemi Heilbrigðisvísindabókasafns	3
Fjármál	3
Áskriftir og innkaup	4
Kennsla og heimildaleitir	6
Innlent samstarf	6
Mannauður	8
Húsnæði, tækjakostur og hugbúnaður	8
Viðaukar	9

Inngangur

Landspítali hefur rekið fagbókasafn frá árinu 1968, fyrst inni á spítalanum sjálfum en frá árinu 1986 í Eirbergi. Árin 2016 til 2019 var starfsemin flutt að Rauðarárstíg 10 vegna rakaskemmda í Eirbergi. Þann 9. september 2019 flutti safnið aftur á fornar slóðir í Eirbergi.

Árið 1987 var gert samkomulag milli Ríkisspítala og Háskóla Íslands um þjónustu Bókasafns Landspítala við ákveðnar námsbrautir og kennslugreinar á sviði heilbrigðisvísinda. Í framhaldi af því var sett á fót samstarfsnefnd Ríkisspítala og Háskólans sem gera skyldi tillögur um framtíðarskipan þjónustunnar.

Árið 1993 var gengið frá samkomulagi á milli Bókasafns Landspítala og Háskólabókasafns. Annars vegar um að útibú þess síðar nefnda á sviði hjúkrunarfræði, sem rekið hafði verið um árabil í Eirbergi, rynni inn í rekstur Bókasafns Landspítala og hins vegar um greiðslur Háskóla Íslands vegna reksturs og þjónustu Bókasafns Landspítala. Sambærilegt samkomulag var gert varðandi þjónustu við læknadeild í upphafi árs 1994. Bókasafn Landspítala starfaði síðan í samræmi við þetta allar götur til haustsins 2013 þegar undirritaður var samningur á milli rektors HÍ og forstjóra Landspítala um rekstur Heilbrigðisvísindabókasafns Landspítala og Háskóla Íslands sem gildi frá 2014-2018. Samningurinn var endurnýjaður 2019 til 5 ára og endurnýjast sjálfkrafa að loknum þeim tíma nema honum verði sagt upp.

Almennar upplýsingar

Bókasafnið er til húsa í Eirbergi, 1.hæð. Það er opið virka daga frá kl. 8 til 16 og síminn er 543 1450.

Netfang er bokasafn@landspitali.is Vefsíða bókasafnsins er <http://bokasafn.landspitali.is>

Facebooksíða safnsins er [Heilbrigðisvísindabókasafn LSH og HÍ](#)

Engagesíðan er [Bókasafn - Heilbrigðisvísindabókasafn LSH og HÍ](#)

Stjórn og starfsemi Heilbrigðisvísindabókasafns

Stjórn safnsins er skipuð í samræmi við 3. grein samnings um rekstur Heilbrigðisvísindabókasafns Landspítala og Háskóla Íslands. Í henni sitja Magnús Gottfreðsson, forstöðumaður Vísindadeildar Landspítala og Anna Sigríður Guðnadóttir, verkefnastjóri safnsins. Fulltrúi Heilbrigðisvísindasviðs HÍ í stjórninni er Ingibjörg Steinunn Sverrisdóttir landsbókavörður. Stjórnin hélt einn fund á árinu, þann 21. maí 2024 þar sem fjallað var um ársskýrslu 2023, endurskoðun samnings um rekstur safnsins, landsaðgang að rafrænum gögnum og fyrirhugaðar breytingar á uppsetningu IRISar, framgang verkefnisins og greiðslumódel. Um samstarf Heilbrigðisvísindabókasafns og Landsbókasafns sbr. 6. grein samningsins er vísað í kaflann Innlent samstarf á bls. 6 í skýrslu þessari.

Heilbrigðisvísindabókasafn LSH og HÍ er fagbókasafn á heilbrigðissviði sem þjónar heilbrigðisstarfsfólki innan LSH og kennurum og nemendum í heilbrigðisvísindum innan Háskóla Íslands. Hlutverk þess er að veita aðgang að þeim vísindalegu og klínísku upplýsingum og þekkingu sem þessir aðilar þurfa í námi, klínísku starfi og rannsóknum. Safnið er þó öllum opið og rafræn gögn aðgengileg á staðnum.

Bókasafnið sinnir öllum hefðbundnum störfum sem unnin eru á spítala- og rannsóknarbókasöfnum. Þar má helst telja samninga um aðgang að rafrænum gögnum og upplýsingamiðlum sem og innkaup þeirra. Umsjón aðgangsstýringar og framsetning gagna svo notendur hafi aðgang á sem einfaldastan máta. Skráning safnkosts í bókasafnskerfi landsins og önnur rafræn kerfi sem auðvelda aðgang að niðurstöðum rannsóknarstarfs innan Landspítala og annarra innlendra rannsóknarstofnana. Þjónustan felur m.a. í sér kennslu og leiðsögn starfsfólks LSH og nemenda og kennara Heilbrigðisvísindasviðs HÍ varðandi nýtingu safngagna, annarra upplýsingaveitna og heimildarskráningarforrita, heimildaleitir, millisafnalán, greinapjónustu og almenna aðstoð varðandi flest það sem snertir safngögn, heimildaskráningu og upplýsingaöflun.

Starfsfólk bókasafnsins hefur tekið þátt í undirbúningi útgáfu vísindaskýrslu Landspítala. Auk hefðbundinnar árlegrar söfnunar upplýsinga um útgefið efni starfsfólks spítalans, þá hefur verið safnað saman fleiri tölulegum upplýsingum s.s. fjölda doktors- og meistaranema. Á síðari árum hefur safnið tekið ríkari þátt í sjálfri útgáfu vísindaskýrslunnar, hefur umsjón með að senda upplýsingar fyrir skýrsluna til yfirlestrar forstöðumanna fræðasviða og búa síðan til útgáfu. Þá sér bókasafnið um skráningu útgefinna vísindagreina í Írisi, upplýsingakerfi rannsókna sem er grunnur að vinnu við vísindaskýrslu.

Nýtt skipurit tók gildi á Landspítala um áramót 2023 og 2024. Við þær breytingar færðist Vísindadeild sem Heilbrigðisvísindabókasafnið tilheyrir undir skrifstofu forstjóra en markmiðið er að efla vísindastarfsemi innan spítalans

Fjármál

Á árinu 2024 var rekstrarkostnaður Heilbrigðisvísindabókasafnsins 152,1 milljónir króna. Heildarkostnaður við kaup rafrænna tímarita og annarra rafrænna gagna, þ.e. séráskrifta safnsins sem og landsaðgangsáskrifta og samlagsáskrifta, nam um 148,4 milljónum króna sem er um 15 milljónum hærri fjárhæð en fyrra ár. Sú hækkun skýrist af hækkunum hjá útgefendum og gengisbreytingum en vert er að minna á að öll áskriftargjöld eru innheimt í erlendra mynt og lunginn af áskriftunum greiddur í nóvember til

janúar. Nefna má að gengi Evru var um 153 krónur um miðjan nóvember 2023. Til samanburðar var það um 145 krónur árið síðar, um miðjan nóvember 2024.

Launakostnaður á árinu nam um 47 milljónum króna.

Þjónustusamningar

Bókasafnið hefur um langt árabil gert samninga við ýmsar stofnanir á heilbrigðissviði um aðgang að þjónustu safnsins og safnkosti. Þjónustusamningar voru fimm talsins, tveimur færri en undanfarin ár. Þjónustusamningum hefur fækkað mikið undanfarin ár en þess má geta að á árinu 2014 gerðu 14 stofnanir samning við bókasafnið. Greiðslur til safnsins vegna þjónustusamninga námu 2,5 milljónum króna á árinu 2024.

Áskriftir og innkaup

Gagnasöfn

Eitt nýtt gagnasafn var tekið á áskrift á árinu 2024. Sjá bls. 9.

Lista yfir gagnasöfn í áskrift er að finna á þessari slóð: [Gagnasöfn - Landspítali](#)

Rafbækur

Engar rafrænar bækur voru keyptar árið 2024.

Rafbókakosturinn í séreign safnsins er nú um 430 titlar en margar þeirra orðnar mjög gamlar. Þar fyrir utan er aðgangur að fjölda rafbóka á heilbrigðissviði í gegnum þátttöku safnsins í landsaðgangi að rafrænum gögnum.

Rafbækur, bæði séreign safnsins, landsaðgangsbækur og bækur í opnum aðgangi, má nálgast á þessari slóð: <http://gegnir.hosted.exlibrisgroup.com/lhrml/ebooksearch?lang=ice>

Rafbækur safnsins eru einnig skráðar og aðgengilegar í gegnum Gegni/Leitir <http://hbv.leitir.is>

Bækur, prentaðar

Engar prentaðar bækur voru keyptar á árinu.

Prentaðar bækur safnsins eru skráðar í Gegni/Leitir <http://hbv.leitir.is>

Tímarit

Á árinu 2024 bættust þrjú tímarit við séráskriftir safnsins. Sjá nýja tímaritatitla í viðauka bls. 9.

Fjöldi erlendra tímarita í séráskrift bókasafnsins í árslok 2024 var vel á sjötta hundrað titla þ.e. tímarit þar sem aðgangur er að tímaritshefti strax við útgáfu þess. Allar áskriftirnar eru rafrænar. Í tímaritapökkunum frá OVID, LWW áskriftarpakkanum og PsycArticles pakkanum eru líka, auk þeirra tímarita sem aðgengileg eru strax við útgáfu heftis, fjöldi eldri tímaritatitla sem ekki koma lengur út. Fjöldinn er breytilegur frá ári til árs og ekki unnt að gefa upp eina endanlega tölu. Til viðbótar við ofangreindar séráskriftir er safnið með fjölda tímarita á heilbrigðisvísindasviði í áskrift í gegnum samstarfið í Landsaðgangi.

Áskriftartímarit bókasafnsins má nálgast hér: <http://gegnir.hosted.exlibrisgroup.com/lhrml/journalsearch>
Auk séráskrifta Heilbrigðisvísindabókasafnsins er þarna aðgangur að áskriftum í gegnum landsaðgang sem og tímaritum í opnum aðgangi sem skráð eru í DOAJ.

○ Endurnýjanir

Eins og fyrri ár gengu samningaviðræður við útgefendur yfirleitt vel fyrir sig en tóku líkt og áður langan tíma. Árið 2023 buðu nokkrir útgefendur endurnýjanir á sama verði í erlendri mynt og árið áður líkt og nokkuð algengt var á covid árunum. Sú tíð er liðin núna. Flestir útgefendur hækkuðu áskriftargjöld nokkuð, prósentustigið var afar misjafnt.

Eins og áður nýtir safnið sér þjónustu birgja, Prenax, til að sjá um áskriftir að titlum hjá vissum útgefendum. Yfirleitt er um einstaka titla hjá litlum útgefendum eða fagfélögum að ræða þó einnig séu dæmi um stærri áskriftapakka hjá einhverjum útgefendum. Bókasafnið sjálft sér um nokkurn fjölda beinna samninga við útgefendur um staka titla í þeim tilfellum sem það er hagkvæmara. Þar fyrir utan er safnið með beina samninga við nokkra stóra útgefendur um talsverðan fjölda tímarita hjá hverjum og einum, svo sem Springer-Nature, Elsevier-Science Direct, Oxford, Wiley og LWW/WoltersKluwer svo einhverjir séu nefndir. Safnið er með beina samninga um tímaritaáskriftir við ríflega 20 erlenda útgefendur. Notkunartölur rafrænna tímarita er að finna í viðauka.

Samstarf um áskriftir

Heilbrigðisvísindabókasafnið tekur þátt í samstarfi um Landsaðgang að rafrænum gögnum eins og það hefur gert frá upphafi þess verkefnis um síðustu aldamót. Greiðsluhlutdeild Heilbrigðisvísindabókasafnsins í landsaðgangi árið 2024 nam um 28,3 milljónum króna eða um 2 milljónum hærri en í fyrra.

Þá er áskrift að gagnasafninu Cinahl greidd sameiginlega af safninu og Háskólanum á Akureyri. Kostnaði hefur verið skipt í samræmi við notkun stofnananna. Árið 2024 greiddi Heilbrigðisvísindabókasafnið 20% kostnaðar eða um 180.000 krónur.

Gagnagrunnurinn Scopus er keyptur í samlagi Landspítala með fjórum háskólum HÍ, HR, HA og LBHÍ auk fimm annarra rannsóknarstofnana. Greiðsluhluti Heilbrigðisvísindabókasafns árið 2024 í áskrift að Scopus var tæplega 4,4 milljónir króna.

Háskólar og rannsóknarstofnanir á Íslandi hafa frá árinu 2021 rekið sameiginlega upplýsingakerfi um rannsóknir á Íslandi, IRIS, Icelandic Research Information System. Vegna breytinga á uppsetningu kerfisins greiddi ráðuneyti háskólamála fyrir framlengingu samnings árið 2024. Sjá nánar kafla um IRISi neðan á þessari síðu.

Kennsla og heimildaleitir

Starfsfólk Heilbrigðisvísindabókasafnsins tekur að sér kennslu háskólanema innan Heilbrigðisvísindasviðs HÍ og er ekki tekin sérstök greiðsla fyrir hana heldur fellur kennslan undir samninginn milli stofnananna um rekstur safnsins.

Námskeiðin fyrir háskólanemana eru nánast alltaf hluti stærri vinnulagsnámskeiða sem kennarar háskólans skipuleggja. Annars vegar eru kenndar leitir í gagnasöfnum á sviði heilbrigðisvísinda og hins vegar notkun heimildaskráningarforrita. Nemendur hafa verið taldir í hvorum hluta fyrir sig enda sjá tveir starfsmenn safnsins um sinn hlutann hvor.

Alls voru kenndar 71 kennslustund innan vinnulagsnámskeiða deilda Heilbrigðisvísindasviðs HÍ á árinu 2024 og er það fækkun um 20 kennslustundir frá 2023. Fjöldi nemenda á námskeiðunum var 733 sem er fækkun um 119 frá fyrra ári. Fjöldi kennslustunda sem og fjöldi nemenda hefur farið nokkuð lækkandi undanfarin ár og umhugsunarefni hvort ekki þurfi að kanna leiðir til að treysta það samstarf við Heilbrigðisvísindasvið HÍ.

Haldnar voru fimm kynningar og námskeið sérstaklega fyrir starfsfólk spítalans. Þátttakendur voru 60 talsins.

Undanfarin fimm ár hefur verið tekinn saman fjöldi þeirra sem notið hefur einstaklingsbundinnar kennslu sem og fjöldi heimildaleita fyrir viðskiptavini. Á árinu 2024 fengu 86 aðilar einstaklingsbundna kennslu, sem er nánast tvöföldun. Þá voru gerðar 14 heimildaleitir sem er svipaður fjöldi og fyrra ár. Algengast er að það fari um klukkustund í hverja einstaklingsbundna kennslustund. Tíminn sem fer í heimildaleitirnar er yfirleitt lengri en mjög breytilegur.

Ekki er haldið bókhald yfir þá fjölmörgu sem njóta skemmri tilsagnar og leiðbeininga hjá starfsfólki safnsins.

Innlent samstarf

Helstu innlendu samstarfsverkefni

IRIS (Pure)

Upplýsingakerfi um rannsóknir á Íslandi var opnað í júní árið 2022. Landsbókasafn-Háskólabókasafn hefur innleiðingu, umsjón og rekstur þess kerfis með höndum skv. ákvörðun þáverandi menntamálaráðuneytisins sem nú nefnist menningar-, nýsköpunar og háskólaráðuneyti. Upplýsingakerfið sjálft nefnist PURE og er frá Elsevier. Notendaviðmót kerfisins nefnist IRIS (Icelandic Research Information System). Verkefnastjóri bókasafnsins situr í stýrihóp upplýsingakerfis um rannsóknir fyrir hönd spítalans.

Eins og fram hefur komið í fyrri ársskýrslum hefur mikil vinna falið í uppsetningu kerfisins og ýmis úrlausnarefni komið upp. Með aukinni þekkingu þeirra sem vinna við kerfið hefur komið í ljós að sú uppsetning sem ákveðið var að semja um við eiganda kerfisins, eitt kerfi fyrir alla þátttakendur, hentar ekki vel og er í raun hamlandi fyrir einstakar stofnanir. Á árinu 2024 var samið um breytingu á því fyrirkomulagi þannig að hver stofnun verður sett upp fyrir sig og hefur einungis aðgang að eigin upplýsingum. Verkefnahópur Landspítala vegna IRISar skipa Anna Sigríður Guðnadóttir á Heilbrigðisvísindabókasafni, Jennifer Retschkowski hjá HUT og Sigríður Berþórsdóttir, Vísindadeild. Undirhópar sem skipaðir voru á árinu 2021 héldu áfram störfum á árinu en þeir eru: Skráningarhópur (Halldór Marteinson frá bókasafninu); Upplýsingatæknihópur (Auður Ester Guðlaugsdóttir frá HUT) og hópur um rannsóknarstyrki og umsóknir (Sigríður Berþórsdóttir frá Vísindadeild)

Allir háskólar landsins og helstu rannsóknarstofnanir munu verða þátttakendur í kerfinu þegar fram líða stundir.

<https://iris.ra.is/is/organisations/landspitali-the-national-university-hospital-of-iceland>

Landsaðgangur að rafrænum gögnum

Heilbrigðisvísindabókasafnið hefur tekið virkan þátt í því samstarfsverkefni frá því það hóf göngu sína um síðustu aldamót. Stjórnandi safnsins hefur setið í stjórnarnefnd verkefnisins frá upphafi. Anna Sigríður verkefnastjóri safnsins situr í stjórnarnefnd. Á fundum nefndarinnar eru teknar ákvarðanir um endurnýjanir og eftir atvikum nýjar áskriftir eða uppsagnir.

Samstarf stjórnenda háskólabókasafna.

Verkefnastjóri Heilbrigðisvísindabókasafnsins tekur þátt í samstarfi stjórnenda háskólabókasafna á Íslandi. Á þeim vettvangi eru tekin til umræðu ýmis sameiginleg hagsmunamál háskólabókasafna, s.s. bókasafnskerfið, stefnumótun um opin aðgang, Íris upplýsingakerfi um rannsóknir, upplýsingalæsi o.s.frv. Á vegum fyrrgreinds samstarfs stjórnenda háskólabókasafna eru starfandi hópar sem fjalla um upplýsingalæsi og rafbækur sem starfsfólk safnsins hefur tekið virkan þátt í. Undir regnhlíf þessa samstarfs stjórnenda starfar einnig hópur um opin vísindi/opinn aðgang. Hópurinn hafði heldur minna umleikis í viku Opins aðgangs árið 2024 en árið 2023. Hópurinn stóð fyrir einum fyrirlestri sem haldinn var rafrænt þann 22. október 2024. Fyrirlesari var Anna Tumadóttir, þá nýráðin sem framkvæmdastjóri Creative Commons, <https://creativecommons.org/>. Yfirskrift fyrirlestrarins var „How Creative Commons is advancing open access“.

Alma – Nýi Gegnir

Nýtt bókasafnskerfi á Íslandi var opnað sumarið 2022. Starfsfólk safnsins tekur þátt í ýmsum vinnuhópum sem styðja við virkni og framþróun kerfisins og notagildi þess fyrir safnið. Eins og við er að búast varðandi kerfi sem á að þjóna öllum tegundum bókasafna sem hafa mismunandi þarfir þá koma upp ýmis úrlausnarefni.

Samstarf við Landsbókasafn - Háskólabókasafn

Á árinu 2024 hélt áfram traust og reglulegt samstarf og samtali við Landsbókasafn-Háskólabókasafn með hliðsjón af þeim samningi sem í gildi er um rekstur Heilbrigðisvísindabókasafns LSH og HÍ. Auk þeirra verkefna sem talin eru hér að framan má nefna samstarf vegna árlegrar Verkefnavöku sem haldin er í Þjóðarbókhöfðinu.

Samstarf við Sjúkrahúsið á Akureyri

Eins og fram kom í ársskýrslu fyrra árs voru teknar upp viðræður um samstarf varðandi áskriftir á milli Heilbrigðisvísindabókasafnsins og Sjúkrahússins á Akureyri í september 2023. Voru þær viðræður að frumkvæði SAK og boðað til fyrsta fundar af ráðuneytinu. Í framhaldssamtölum verkefnastjóra Heilbrigðisvísindabókasafns og deildarstjóra vísinda og menntunar hjá SAK var ákveðið að skoða vel hvort SAK gæti gengið inn í samninga Landspítala, að hluta eða öllu leyti. Þeim hugmyndum var síðan frestað fram á árið 2024 vegna samninga ársins 2025 enda ekki gert ráð fyrir þeim útgjöldum vegna ársins 2024.

Ákveðið var í upphafi árs 2024 að fyrsta skerf yrði skoðun á því hvort SAK gæti, gegn viðráðanlegu gjaldi, orðið þátttakandi í tímaritaáskriftum Landspítala byggt á nauðsyn þess að sjúkrahúsið hefði aðgang að séhæfðum safnkosti á sviði heilbrigðisvísinda með auknu rannsóknarstarfi, sérnámi og móttöku fólks í sérnámsgrunn. Verkefnastjóri Heilbrigðisvísindabókasafnsins átti fjölda funda með stærstu útgefendum sem safnið er með samninga við í janúar og febrúar. Afar misjöfn kjör reyndust í boði, allt frá 11-13% gjaldi ofan á áskriftargreiðslur LSH upp í 40-50% hærra gjald og að SAK yrði skilgreint sem alveg sérstök ný stofnun í viðskiptunum. Afráðið var að fá prufuáðgang fyrir SAK hjá Elsevier, Springer Nature og Wiley í nokkra mánuði og fylgjast með notkun. Á haustmánuðum í tengslum við samninga um áskriftir Heilbrigðisvísindabókasafns fengust mjög ásættanleg tilboð frá Elsevier og Wiley og ákvað SAK að taka þeim. Áframhaldandi samstarf verður eflaust skoðað á árinu 2025.

Mannauður

Árið 2024 voru starfsmenn safnsins fjórir talsins. Lungann af árinu voru stöðugildin fjögur en einn starfsmaður minnkaði starfshlutfall að hausti svo stöðugildin voru 3,8 í árslok. Bókasafns- og upplýsingafræðingar voru þrír og einn bókmenntafræðingur.

Starfsfólk safnsins í árslok voru: Anna Sigríður Guðnadóttir verkefnastjóri safnsins, Halldór Marteinsson, Inga Ágústsdóttir og Sigurbjörn Svanbergsson.

Húsnæði, tækjakostur og hugbúnaður

Aðstaða safnsins í Eirbergi er óbreytt. Húsnæðið samanstendur af afgreiðslu, einu tvöföldu herbergi og einu lítlu herbergi þar sem bókasafns- og upplýsingafræðingar safnsins hafa sína vinnuáðstöðu og kennsluherbergi þar sem eru 6 notendatölvur. Þá hefur safnið litla geymslu inn af afgreiðslu.

Eins og fram kom í ársskýrslu fyrra árs breytti spítalinn notkun rýmanna í Eirbergi á því ári í bókanleg og opin funda- og vinnurými. Umferð gesta og gangandi hefur aukist mikið sem eykur líf og fjör á ganginum. Upplýsingagjöf starfsmanna bókasafnsins um hinar fjölbreyttu vistarverur í Eirbergi hefur aukist til mikilla muna.

Engin ný tæki voru keypt né hugbúnaður.

Viðaukar

[Nýjar rafbækur, gagnasöfn, tímarit og bækur 2024.](#)

[Uppsagnir áskrifta.](#)

[Starfsemistölur bls. 10.](#)

[Notkunartölur bls 11-12.](#)

Nýjar tímaritaáskriftir 2024:

NEJM Evidence
American Journal of Occupational Therapy
Journal of Religion, Spirituality and Aging

Ný gagnasöfn 2024:

The Neurosurgical Atlas

Prentaðar bækur keyptar 2024:

Engar

Uppsagnir áskrifta sem tóku gildi áramót 2023/2024:

Engar

Starfsemistölur

Lykiltölur	2024	2023
Afgreiddar greinar úr safnkosti		
Til starfsmanna ofl.	262	206
Til bókasafna - innlendra og erlendra	10	21
Samtals:	272	227
Aðfengnar greinar, bækur ofl. frá öðrum söfnum	81	97
Fjöldi útlána á safnefni	2	3
Fjöldi keyptra prentaðra bóka	-	1
Heimildaleitir fyrir starfsfólk	14	15
Einkakennsla (Fjöldi einstaklinga)	86	46
Fjöldi námskeiða og kynninga innan LSH	5	4
Fjöldi þátttakenda á námskeiðum og kynningum innan LSH	60	37
Kennslustundir f. HÍ	71	91
Fjöldi nema HÍ í kennslustundum	733	852
ÍRIS/PURE fjöldi greina í árslok	9.345	9.012
OpenAthens nýir notendur á árinu	370	392
OpenAthens fjöldi skráninga í árslok	2.043	1.910
OpenAthens innskráningar	6.547	5.786

Notkunartölur.

Notkun rafrænna tímarita og gagnasafna	2024	2023
Rafræn tímarit - fjöldi greina bæði HTML og PDF.		
AACR	560	844
American Academy of Pediatrics	1.385	1.061
American Academy of Neurology	2.318	427
ACP American college of Physicians (Annals of Internal Medicine)	580	386
AMA (JAMA +)	8.502	7.916
ASM	615	1.075
American Society of Neuroradiology (AJNR Am J Neuroradiol)	193	175
American Association of Immunology (Journal of Immunology)	372	914
BMJ Journals	7.478	8.036
Cambridge University Press	698	552
Cell tímaritin	1.180	1.109
Elsevier	50.998	50.048
European Respiratory Society	668	798
Karger*	814	994
Maryann Liebert	200	647
Lippincott Williams and Wilkins (LWW)	34.921	29.852
Mark Allen Group	550	599
Nature Publishing Group	4.654	7.225
NEJM	6.719	7.774
Journal of Rheumatology	49	92
Oxford university press	6.666	6.829
ProQuest - rafræn tímarit**	634	642
PsycArticles	428	199
Rockefeller University Press	192	311
Sage publications***	3.570	3.237
Science	689	705
Springer*	20.639	17.485
Taylor & Francis	2.532	5.457
Wiley	2.537	2.305
Wiley-Blackwell landsaðgangur*	15.050	17.735
Samtals:	174.690	175.429

* Landsaðgangur, beint frá útgefanda

** Landsaðgangur, birtingartöf, greinasöfn, margir útgefendur

***Landsaðgangur beint frá útg.+ 1 séraskrift

Notkun rafrænna tímarita og gagnasafna, frh.	2024	2023
Gagnasöfn*		
Best Practice (BMJ)	4.287	3.852
Cinahl (Ebscohost)	11.435	7.092
Cochrane Library	531	662
Joanna Briggs	286	392
Natural Medicines	2.635	1.221
Ovid Medline	821	1.216
PsycInfo leitir	8.089	1.922
Scopus	48.080	37.045
UpToDate	106.617	112.681
Micromedex	14.612	12.339
Samtals:	197.475	178.579

Allar 2024 tölur varðandi notkun gagnasafna eru núna s.k. topic views/page views, sem gerir tölurnar meira samanburðarhæfar. Ekki er unnt að nálgast notkunartölur frá Web of Science sem er í landsaðgangi.

Rafbækur	2024	2023
Books@Ovid -title requests	223	292
Medicines Complete	7.018	7704
Mental Measurements	82	

